
Hivuaqut

AULAPKARNIKKUT AULLAQTIKAINIKKUT MANIGHAT NUNAVUNMI

Taamna Aulapkarnikkut Aullaqtipkainikkut Manighat havagiiliqtuq Nunavunmi. Malruuk havaktauyughak angiqtauhimaliqtuk imaatut qaangirhugu \$7.2 million atauttikkuurhulik kavamatkut maniliqtuinirmi.

Uumuuna Ukiuqtaqtumi Ulapkinikkut Sikiirarvik

July 7, 2009mi, Kavamait Kanadaup Nunavutiplu, unalu Nunalipauyaa Iqalungni, angirhimayut maniliqtuilugit iglumi ihuarharniit sikiirarvikmut talvani Ukiuqtaqtumi Ulapkinikkut Sikiirarvikmi.

Turaalluanga uuma havaktauyughaup piyaangani sikiirarvik aullaqtitaulliffaariangani. Sikiirarvik atuqtaungittuugaluaq, ulapqivik atuqtauyuq huli inulrammiit katimavigiplugu amigaittullu katimavigivakhugulu. Tamaat atuqtauliqarumi sikiirarvik tunihiniaqtuq nutaanik ukturvikhanik ulapqiluqaarnikkut iqairhaivikharniklu nunallaami naupkainiarlunilu amigaittunik ulapqinikkut pinahuarutighanik, imaakiaq sikiirarnikkut, haakirnikkut muqparnikkullu hikumi. Ihuarhaqtauhimayuq sikiirarvik pivigiuniaqtuqlu manighaliurutimik nunalipauyamut, pipqarlugulu sikiirarvik, taitai, katimapkailuni angiyunik ulapkipkainirnik.

Tamatqiutit akiit uumani havaktauyughami nalautinniarhimayut imaatut \$2,246,220. Kavamatuqatkut avikturhimayunilu kavamatkut tunihiniaqtut kikliqarluni imaatut \$748,740, atauhiq pingahuuyuni atuni ihuariyauyuni havaktauyughami akiinnik, taimaalu nunallaap kavamaat tuniniaqtaa ilakua.

Uumuuna Taloyoak haamlatkut havakvia

July 7, 2009mi, Kavamait Kanadaup Nunavutiplu angirhimayaat atauttikut maniliqtuinirmik titirauyarniani nappaqtirnianilu nutaanik haamlatkut havakvikhaanik Taloyoakmi tunngaviqarluni naunaiyaqtauhimayaanik haamlatkut katimayiinnit.

Inirningani nutaap \$5-million havaktauyugami, Taloyoak ikayuqtauniaqtuq mikitqiyauyunit aulapkainikkut akiinnit aulapkaininganik nutaanik, pauwatuqpallaangittumit igluqpakmit. Angiyuq haamlatkut katimavighaa ilauniaqtuqlu titirauyarnikkut upalungaiyarutaani nutaami haamlatkut havakvighaani, pipkarniaqtait katimayiit miitiqtipkailutik kitkunnik.

Kavamatuqait ukiuqtaqtuplu kavamait atuni maniliqtuiniaqtuk kikliqarluni \$2.5 million manighat ihuariyauyuni havaktauyughami akiinnik.

Uumuuna Aulapkarnikkut Aullaqtipkainikkut Manighat

Talvuuna Kanadaup Piangaiyarnikkut Hulinikkut Upalungaiyautaagut, kavamatuqait piliurhimayuq nutaamik \$4-billion Aulapkarnikkut Aullaqtipkainikkut Manighat tunihivaktuq manighanik avikturhimayunut, ukiuqtaqtunut haamlatkunnullo nappariiqtalaqiunik aulapkarnikkut ihuarhainikkut havaktauyughanik. Manighat hailihimaniaqtut malruukni ukiuni taapkununga havaktauyughanut ukunani 2009mi 2010milu nappaqtirnikkut havakvighainni.

Taamna Aulapkarnikkut Aullaqtipkainikkut Manighat ikayuqtait tahamaniittut kavamatuqatkut aulapkarnikkut manighait imaatut turaangniqarhutik tavungannuamut piniarhimatjutighanut uvunga piangaiyarnikkut aullaqtipkaitjutighanik. Hivumuupkarumaplugu una turaangniq qilamik piangaiyarnikkut aullaqtipkaitjuti, taamna Aulapkarnikkut Aullaqtipkainikkut Manighat turaangniqarniaqtuq nappariiqtalaqihimayunik anginiqarniaqtut havaktauyughani piyaunikkut maligutaulutik. Taapkuat tamaat 44-billion tuniyauniaqtuq maniliqikkut ukiunginni 2009-2010mi uvanilu 2010-2011mi. Havaktauyughat turaangniqalluarniaqtut ihuarhainirni tahamaniittuni piqutini imaatut imakkut, halumaittut-imat, kitkunni ingilrautini, unghiktunut apqutini, apqutini, pitquhikkut, pulaarviknut ukuallu pihuuyarviit apqutillu.

Taapkununga ukiuqtaqtumi piqutunut, kavamatuqait ukiuqtaqtuplu kavamait atuni tunihiniaqtuk nappaanik ihuariyauyuni havaktauyughami akiinnik. Taapkununga haamlatkunni havaktauyughanik, kavamatuqait ukiuqtaqtuplu kavamait tunihiinnaqpaktuk imaatut malruuknik-pinagahuuyunit ihuariyauyuni akiinnik, taapkuat haamlatkut niriqtauvaktut tunihiyughaplutik ilakuanik.